

寧河縣志卷之一

採訪示

順天府東路廳寧河縣正堂關 爲纂輯志書廣行
採訪事照得

國史大蒐羅統天下以昭實錄邑乘詳記注稽境內以
勒成書惟分諸邑者博而精斯合諸

國者簡而括是宜悉心撰述備厥參稽安可不加意網
羅聽其放失乃查吾寧建邑以後四十八年之事尙
缺編摩卽本縣蒞任以來二百餘莊之風未遑採輯

卷之一

採訪示

一

將典章罔據前乎此者奚所傳載籍無徵後乎此者
何所考遂使聲明文物之地鄙矣增羞足令博聞強
記之儒英華減色此誠宰斯土者所當任其責而亦
生斯地者所難卸其肩况現奉 各憲訓飭諄詳指

陳切要尤須編輯難再稽延但勢可憑依尙以有所
因而易集事當創始更虞無所藉而難圖仰觀天文
何以定上下星辰之合俯察地理何以考古今疆域
之分辨厥賦於斥鹵塗泥孰能使閱者如披禹貢紀
其產於隰原山澤孰能令觀者儼讀職方以至撫字

催科不無足紀揆文奮武各有堪書挺豪傑於地靈
士著圭璋之望全堅貞於天性女懷冰雪之操兼之
泛梗飄萍遺踪隱見荒烟蔓草陳跡蒼涼更有才士
風華名流著作鏗鏘則和諧金石片紙堪珍光恠則
埋沒荆榛殘碑可寶凡諸分門別類均須博考詳稽
本縣技等雕蟲識慚亥豕而且三年作吏深知學殖
之久荒卽或一得可陳終恐才華之未富苟非衆長
之兼集何以大備而無遺爰布虛公亟行採訪爲此
示諭紳士耆老人等知悉示到各宜踴躍共効贊襄

大肆搜求務廣衆思之益競抒聞見稍分獨任之勞
溯寶坻未分筆削增修端資調燮鹽梅之手念梁城
旣判簡編待輯尤藉敬恭桑梓之賢尚殫乃心俾成
斯役共樂同聲之應母虛將伯之呼特示

凡例

一纂修志乘大約增損前書使其事加於前文省於後故謹嚴是尙寧志事屬創始則將來之損益繫焉其體例自宜詳備今立綱十門標目六十五則以備紀載之權輿庶後之考證者有所取裁

一作志必稽掌故而掌故必資典籍寧邑瀕海家鮮藏書除畿輔通志日下舊聞而外無從借證勢不得不取材舊志而實志惟洪志徵引稍博然往往有泛涉之失今採其有關體要者錄之

寧河縣志

卷之一

凡例

三

一始分之邑疆域尤重土田之界限命盜之捕緝夫役之簽發渠埵之修廢稍有不清每多牽混推卸至起事端今按全圖詳註四址細列入到庶幾經界截然至勝景一條實志分屬寧邑者不過一二且未雅切今另標題目綴以吟詠不獨具四時之勝實壯一邑之觀

一寧邑現祀名宦惟總督朱昌祚等七人其事蹟已詳載省志無俟再列然歷來蒞茲土者其政績尙多可紀不便聽其湮沒若另標循吏一門而武職又不

能兼載不免罅漏之失今統錄入名宦列於人物之首俾德政之在人者傳諸永久焉

一寧河未分邑以前統治於寶坻則凡寶坻之職官卽寧邑之職官也今就其德惠及人遺愛可思者擇采一二其餘姓氏不能具載則仍聽其存於寶志至寧河之秩官則於雍正九年初任之楊奇昌始而諸職司以例從焉其有政事惠愛可紀者各綴小傳著其仕績列入人物之名宦以風百世

一立傳之體必舉其一人一生之事蹟而論次之若其人尙存則文章事業方未有艾豈容懸擬故雖先達卓行以及耆英彰彰在人耳目者槩不入志以俟將來

一婦道以節孝爲首重節孝旣著則亟登之不忍遺亦不敢濫恐窮簷嫠婦冰蘖終身久而就湮也卽現存者亦備書之無俟蓋棺之論定

一祀典邑之大事也他志往往不甚分著今於經祠所領先以建置列其方所另立祀典詳其儀節而零星之祠各得其宜猫虎之迎亦備其物叢祠之鬼不

得而託焉所以肅祀事昭民聽也

一寧邑地瘠而無他出產鹽實大利也現在商竈阜豐引數遞增均輸有法絕無壅滯然有大利必有大弊饗其利不可不防其弊也故采取舊聞參之目見詳核其課引之經稅備著其場竈之節目列於賦役恐日久弊生得按籍以正焉

一蕘文中之詩篇什有限體製未備今畧倣編年之例按其人之先後而序次之不復另分各體